



Broj:09-20-11-2-2303-II/22

Datum: 08.04. 2025.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH ( Službeni glasnik BiH broj: 39/14, 59/22 i 50/24 ), i prijedloga Komisije za provođenje otvorenih postupaka nabavki za 2022. godinu, v.d. direktora Federalne uprave policije, d o n o s i:

## ODLUKU

o izboru najpovoljnijeg ponuđača u postupku Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW

1. Prihvata se prijedlog Komisije za provođenje otvorenih postupaka nabavki u postupku Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW, te se Ugovor dodjeljuje ponuđaču Lada Auto d.o.o. Banja Luka, prema Ponudi broj: 1167/22 od 07.11.2022.godine, po ukupnoj cijeni u iznosu od 25.640,00 KM bez PDV-a.
2. Ovom Odlukom stavlja se van snage Odluka o poništenju postupka Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW, koja je donesena u skladu sa članom 69. stav (3) Zakona o javnim nabavkama BiH („Službeni glasnik BiH“, broj:39/14 i 59/22), a shodno Presudi Suda Bosne i Hercegovine broj: S1 3 U 045420 23 U od 05.03.2025.godine.
3. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
4. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-2303 od 21.09.2022.godine.
5. Ova Odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14, 59/22 i 50/24).
6. Za izvršenje Odluke zadužuje se Sektor za finansije i javne nabavke.

## OBRAZLOŽENJE

Federalna uprava policije je provela postupak Javne nabavke novih službenih motornih vozila koji je pokrenut Odlukom o pokretanju postupka javne nabavke broj: 09-20-11-2-2303 od 21.09.2022.godine, prema Obavještenju o nabavci broj: 1412-1-1-225-3-119/22, objavljenom u "Službenom glasniku BiH" broj: 66/22, dana 30.09.2022. godine u odnosu na koji je donesena Presuda Suda BiH broj: S1 3 U 045420 23 U od 05.03.2025.godine.

Procijenjena vrijednost Javne nabavke novih službenih motornih vozila za LOT 5 - Nabavka putničkog motornog vozila niže srednje klase minimalno 60 KW iznosi 25.641,02 KM bez PDV-a.

U navedenom postupku, ugovorni organ je donio Odluku o izboru najpovoljnijeg ponuđača broj: 09-20-11-2-2303-II/22 od 21.11.2022.godine, kojom je ugovor dodijeljen ponuđaču Guma M d.o.o. Mostar, prema Ponudi broj:370-11/22AK od 09.11.2022.godine sa ukupnom cijenom od 25.630,00 KM bez PDV-a, a na koju Odluku je ponuđač Lada Auto d.o.o. Banja Luka izjavio Žalbu broj:1255/22 od 30.11.2022.godine, koja je u zakonskom roku dana 06.12.2022. godine zajedno sa izjašnjenjem o žalbi ugovornog organa dostavljena Uredu za razmatranje žalbi BiH.

U odnosu na donesenu odluku o izboru najpovoljnijeg ponuđača i izjavljenu žalbu navedenog ponuđača, Ured za razmatranje žalbi BiH je donio Rješenje broj:JN2-03-07-1-3408-8/22 od 29.12.2022.godine, koje je ugovorni organ zaprimio 09.01.2023.godine, kojim je usvojena navedena žalba ponuđača Lada Auto d.o.o. Banja Luka, te poništena Odluka o izboru najpovoljnijeg ponuđača broj: 09-20-11-2-2303-II/22 od 21.11.2022.godine i predmet vraćen ugovornom organu na ponovni postupak.

U ponovnom postupku, ugovorni organ je donio Odluku o poništenju postupka Javne nabavke novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW broj: 09-20-11-2-2303-II/22 od 19.01.2023.godine, shodno članu 69. stav (3) Zakona o javnim nabavkama BiH ("Službeni glasnik BiH", broj: 39/14, 59/22), na koju je ponuđač Lada Auto d.o.o. Banja Luka izjavio Žalbu broj: 46/23/22 od 26.01.2023.godine, koja je u zakonskom roku dana 31.01.2023. godine zajedno sa izjašnjenjem o žalbi ugovornog organa dostavljena Uredu za razmatranje žalbi BiH.

U odnosu na donesenu odluku o poništenju postupka javne nabavke i izjavljenu žalbu navedenog ponuđača, Ured za razmatranje žalbi BiH je donio Rješenje broj:JN2-03-07-1-254-7/23 od 03.03.2023.godine, koje je ugovorni organ zaprimio 06.03.2023.godine, kojim je usvojena navedena žalba ponuđača Lada Auto d.o.o. Banja Luka, te poništena Odluka o poništenju postupka broj: 09-20-11-2-2303-II/22 od 21.11.2022.godine.

Ugovorni organ je u zakonskom roku pred Sudom BiH pokrenuo upravni spor protiv Rješenja Ureda za razmatranje žalbi BiH broj: JN2-03-07-1-254-7/23 od 03.03.2023.godine, u kojem postupku je Sud BiH donio Presudu broj: S1 3 U 045420 23 U od 05.03.2025.godine, kojom se tužba ugovornog organa odbija.

Konstatuje se da Komisija za provođenje otvorenih postupaka nabavki, nakon zaprimanja Presude Suda BiH broj: S1 3 U 045420 23 U od 05.03.2025.godine u ponovnom postupku vrši evaluaciju zaprimljenih ponuda ponuđača Guma M d.o.o. Mostar i ponuđača Lada Auto d.o.o. Banja Luka za Javnu nabavku novih službenih motornih vozila za LOT 5 - Nabavka putničkog motornog vozila niže srednje klase minimalno 60 KW, prema Obavještenju o nabavci broj: 1412-1-1-225-3-119/22, objavljenom u "Službenom glasniku BiH" broj: 66/22, dana 30.09.2022. godine.

Nakon izvršene evaluacije ponude ponuđača Guma M d.o.o. Mostar, Komisija konstatuje da je navedeni ponuđač u svrhu ispunjavanja uslova ugovornog organa na stranici 31. svoje ponude dostavio izjavu o garanciji u kojoj izjavljuje da je garancija za ponuđeno vozilo pet (5) godina ili 100.000 km, ovisno što prije nastupi, te da pomenuta izjava navedenog ponuđača nije dostavljena u skladu sa propisanim uslovima ugovornog organa iz tačke 13.2. tenderske dokumentacije, a kojom je propisan jasan tj. eksplicitan zahtjev kojim su ponuđači obavezni dostaviti izjavu o garanciji za ponuđenu robu za period od minimalno četiri (4) godine, dakle, bez dovođenja garancijskog perioda u vezu sa brojem pređenih kilometara, te da je ponuđač Guma M d.o.o. Mostar dostavljenom izjavom vremenski zadovoljio uslov postavljen tačkom 13.2. tenderske dokumentacije, ali da je istovremeno, i nepravilno uslovljavao garanciju s (ili) brojem pređenih kilometara (100.000 km ovisno šta prije nastupi), čime je evidentno, direktno relativizirao istu, a što je suprotno zahtjevu ugovornog organa iz tačke 13.1.tenderske dokumentacije.

Obzirom na naprijed navedeno, konstatuje se da ponuda ponuđača Guma M d.o.o. Mostar nije u skladu sa tenderskom dokumentacijom iz kojeg razloga je ista za ugovorni organ neprihvatljiva, te se navedeni ponuđač isključuje iz dalje kvalifikacije.

Nakon izvršene evaluacije ponude ponuđača Lada Auto d.o.o. Banja Luka, Komisija konstatuje da je ponuda navedenog ponuđača formalno pravno ispravna i ispunjava uslove tražene tenderskom dokumentacijom, te je kao takva za ugovorni organ prihvatljiva.

Budući da je za navedenu nabavku pristigla samo jedna prihvatljiva ponuda, a da je za istu nabavku tenderskom dokumentacijom predviđeno provođenje e- Aukcije, u skladu sa članom 4. stav 2. Pravilnika o uslovima i načinu korištenja e-Aukcije (Službeni glasnik BiH, broj: 80/23) konstatuje se da se e-Aukcija neće zakazivati.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH predložila da se za Javnu nabavku novih službenih motornih vozila za LOT 5 – Nabavka putničkog motornog vozila niže srednje klase minimalno 60 KW, donese Odluka o izboru najpovoljnijeg ponuđača te ugovor dodjeli ponuđaču Lada Auto d.o.o. Banja Luka, prema Ponudi broj: 1167/22 od 07.11.2022. godine, po ukupnoj cijeni u iznosu od 25.640,00 bez PDV-a, što je konstatovala u Zapisniku o radu komisije od 08.04.2025. godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 ( deset ) dana od dana prijema ove Odluke.

**V.D. DIREKTOR  
(Načelnik SKP-e)  
GLAVNI INSPEKTOR**

**Vahidin Munjić**

Dostaviti:

- Sektor za finansije i javne nabavke
- ponuđačima
- u spis